

Թ Ա Տ Ր Ե Ր Գ Ո Ւ Թ Ի Ի Ն

Թ Ե Մ Ի Ս Տ Ո Կ Լ Է Ս

Գ Ե Ր Ա Ս Ա Ն Ք

Քսերքետս, սրբայ Պարսից
Թեմրատոկլէս, գորավար Աթենացի
Նէոկլէս, որդի Թեմրատոկլէայ

Ագեսիլայոս, որդի Թեմրատոկլէայ
Լիւսիմաքոս, պատգամաւոր Աթենացոց
Միրման, մտերիմ Քսերքետայ

Տեսարանն է 'ի Պարսկաստան, յարքունիս Քսերքետայ:

ԱՐԱՐՈՒԱԾ ԱՌԱՋԻՆ

ՏԵՍԻԼ ԱՌԱՋԻՆ

ԹԵՄՆՅՏՈՒԿԷՍ, ՆՆՈՒԿԷՍ

Թեմրատոկլէս. Կայ, զի գործես

Նեոկլէս. Թոյլ տուր ինձ պատուհասել զգոռոզն, եթէ ոչ լուար, հայր, զիարդ ա-

Թեմրատոկլէս. Յաճիր 'ի տարապարտ սրտմտութենէդ. չնեք յՆլլադա, և ոչ խուժան մարգելոյդ երկրպագութ բաղդին՝ չուրջ են զմեօք. ամենայն ինչ կերպարանափոխ եղև Նէոկլէս, և ըստ փոփոխել ըստդին փոխանցի և ի մաստունն: Յարքունիս թշնամեաց կամք. ոչ ևս յիս յուսացեալ են Աթէնք, անկայ 'ի սիրոյ նոցա, և մերկ կողոպուտ, անաշխարհիկ և անծանօթ վայրաց 'ի վայրս հալածական երթամ: Ամենայն ինչ կորեալ յինէն, և միայն մնաց ինձ, այլ պանծադոյն քան զամենայն, արիութիւն ընդակից:

Նեոկլէս. Սակայն, ներեալ ինձ հայր, այդ քո պնդակազմ արութիւն զրդուէ զոգիս իմ: Տարագիր մերժեալ 'ի սլարսպաց զորս արեամբ քով պուհեցեր, և հայածեալ ապաշնորհ հայրենացդ անմեղկելի ոխութեամբ՝ որ ամենայն ուրեք զհետ մտեալ դարանի կենաց քօջ՝ չտալ քեզ տեղի անդոյթ ընդ երկիր, և տակաին ժուժկալն անտրտունջ. ահ, ուստի իցէ քեզ այդ սիրտ անասան յանընդել չարիսդ:

Թեմրատոկլէս. Յասպարէզ ընթացից կենաց հիւրդ և համրակ՝ զարմանաս, և անընդել թուի քեզ ամենայն: Ներեալ հասակիդ. զարմանք՝ տգիտութեան դուստր է՝ և մայր իմաստութեան: Մեծամեծք յառաքինութեանց՝ ատելութեամբ յաճախ փոխարինին. ընդ այդ զի զարմանաս: Այր ապաշնորհ բազում այն է՝ զի զյիշատակ երախտեացն զոր ընկալաւ՝ ատեսայ յերախտաւորն: Այսպէս և մեր բաժանեցաք. սմին իրի ատեցեալ եմ 'ի հայրենեաց, և սիրեմ զնս:

- Նեոկիկս.** Եթէ մարդկան միայն անիրաւեալ էր քեզ, ո՞ հայր, համբերէի արդեօք, այլ անիրաւեն քեզ և զիք:
- Թեմիստոկիկս.** Իսկ ընդէր:
- Նեոկիկս.** Եթէ թշուառութիւնք այսորիկ՝ առաքինութեանց քոց իցեն՝ մրցանակք:
- Թեմիստոկիկս.** Եւ համարուն գիտիցես զինչ ՚ի թշուառութեանց շահ իցեն, և էր վնաս ՚ի յաջողութենէ:
- Նեոկիկս.** Չինչ:
- Թեմիստոկիկս.** Բարգաւաճէ ՚ի վիշտս առարինութիւն, և յաջողութեամբ խամբի: Ահա նակիտ հոսն ջուրք գահալէժք, և հանդարտեալ՝ պղտոր գնան: Աուսեր ՚ի մարտս նշողեալ՝ ժանգաւարի անգործ ՚ի խաղաղութեան:
- Նեոկիկս.** Այլ պայծառ յաղթութեանցն՝ յաջողեալ թշուառութիւնք մեծամեծք...
- Թեմիստոկիկս.** Առաւել քան զնախկին փառս իմ՝ նախանձնիլք իցեն յետնոց:
- Նեոկիկս.** Ա՛յդպէս իցէ. սակայն յու՛մէ՛ բռնադատութենէ եկիր այսր, հայր, յաւելուլ քեզ վտանգս. եթէ ո՛չ շատ իցէ ատելութիւն համազգեաց՝ զի և զՊարսիցն խնդրես ածել զքեզ զցատումն: Մտացայր զի քեւ առաջնորդեալ Աթէնք՝ ընդդէմ աշխարհակոյտ զօրացն Ատիոյ խիզախեաց, ծաղր արար զՔրեքսէս և զԿամուրջն զանհանճարոյ գործ. աղէ մի այդպէս վաղանցուկ կարծես զոխութիւն թագաւորի: Եթէ յանկարծ յու՛միք մատնիցիս, ո՞ այն զօրավիգն իցէ քեզ: Թշնամիք բազումք՝ բազում ուրիւք են քեզ. այլ աստ՝ ամենեքեան, գիտիցես: Քոյին քաջութեան խորհրդովք՝ ՚ի մեծի կոտորածին կէսք զբարեկամս կորուսին, այլք զսիրելիս, որդիք ՚ի հարց որբացեալ և հարք անդաւակեցան: Խնայեա՛, հայր, յանձն քո՛, փախիցո՛ւք աստի...
- Թեմիստոկիկս.** Լուռ լեր, ահա զայ որք այսր առ մեզ. յոյս տուր և մնա ինձ ուրիք առանձին:
- Նեոկիկս.** Եւ զինչ իցէ հայր, եթէ աստ ընդ քեզ կացից:
- Թեմիստոկիկս.** Մի՛, խիթամ յանժոյժ տիոցդ, և աստ բազում ժուժկալութեան պէտք են:
- Նեոկիկս.** Այլ արդ...
- Թեմիստոկիկս.** Մի՛ ևս, անսա՛ ինձ:
- Նեոկիկս.** Գոնես ՚ի մեծի վտանգիս խնայեա՛ ՚ի կեանս քո հայր:
- Թեմիստոկիկս.** Լուռ լեր, ՚ի բաց կաց յինէն, և ակն կալիւր յուսով:
- Նեոկիկս.** Ո՛ր յոյս կամ զինչ պատճառք ակնկալութեան, հայր: Ո՛ր աստղ բարերար առաջնորդեսցէ ինձ ՚ի յոյս: Քան ՚ի սպառնայեաց անկարեկիր բաղդին՝ կասկածեմ յանընկճելի արիութենէդ. (Ելանէ):

ՏԵՍԻՒԼ ԵՐԿՐՈՐԴ

ԹԵՄԻՍՏՈՒԿԻՍ, ԱԳՏԻԼԵՍՈՍ, ՄԻԼԻՄՍ

- Թեմիստոկիկս.** Այ յաննչանից է այրն, որպէս ինձ ՚ի կերպարանացն թուի. թերևս և մարդասէր որ. ՚ի սմանէ անդեկացոյց... Այլ ո՞ սրատանին առոյգ առ նմա հելլենացի ձևով:
- Ազեսիլայոս.** (առ Միհրան) Լուր ինձ քաջդ Միհրան:
- Միհրան.** (շտապելով) Չէ ժամս դանդաղելոյ, սիրեցեալդ Ազեսիլայէ, մնայ ինձ թագաւորն:
- Ազեսիլայոս.** Այլ և ո՛չ զայս ասացես ինձ՝ եթէ ճշմարտութեամբ իցեն հրամանք արքայի՛ Միհրան. (ճոխեալ) Եւ կարի իսկ քաջ, որ զԹեմիստոկիկէս կենդանի կամ մեռեալ ածցէ առ Քրեքսէս՝ պարզևս մեծ ՚ի նմանէ ընկալցի:
- Ազեսիլայոս.** « Եզու՛կ հայր »:
- Թեմիստոկիկս.** (Մատուցեալ առ Միհրան) Յիս տէր, եթէ գտի շնորհս առաջի քո՛ ասա՛ ինձ եթէ կարեմ մատչել յոտս արքայի. երբ և կամ ուր:
- Ազեսիլայոս.** « Մի՛ եթէ զհօրէ՛ իմմէ՛ երթայ գուշակել »:
- Միհրան.** (արհամարհանօք) Յայմէ ուսիր զայդ:
- Թեմիստոկիկս.** Ներեա ինձ եթէ յանցեալ, հիւրեմ՝ և օտար, անտեղեակ՝ ելի և մտի աշխարհիս:
- Միհրան.** Ողջամբ մնայ, Ազեսիլայէ:

ՏԵՍԻՆ ԵՐՐՈՐԿ

ԹԵՄԻՍԵՏԻԿԷՍ, ԱՅԵՍԻՆԱՅՈՍ

- Թեմիստոկլէս.** *Գոռո՛ղ ամբարտաւանութիւն:*
Աղեսիլայոս. «*Մարդասէր աստուածք, խոտորեցուցէք 'ի սահմանաց աստի զլաւիզս հօրն իմաց:*»
- Թեմիստոկլէս.** «*Ե՛կ 'ի պատանւոյս գէթ ստուգեցուցի ինչ:*» **Աղէ՛ դու ծնունդ զիւցազանց, եթէ երկինք... «*Բարե՛ ոչ նոր է ինձ այդ տեսիլ զիմաց:*»**
- Աղեսիլայոս.** «*Եթէ ոչ խաբիմ, ո՛վ զիք, անշուշտ հայր իմ է կամ նման յոյժ նմա:*»
- Թեմիստոկլէս.** *Սոս ինձ. . .*
- Աղեսիլայոս.** *Թեմիստոկլէ.*
- Թեմիստոկլէս.** *Աղեսիլայէ՛.*
- Աղեսիլայոս.** *Ո՛հ հայր իմ.*
- Թեմիստոկլէս.** *Ո՛հ որդեակ իմ.*
- Աղեսիլայոս.** *Ապրեցո՛ղ դանձն քո.*
- Թեմիստոկլէս.** *Եթէ տակաւին կենդանի իցես:*
- Աղեսիլայոս.** *Ո՛հ, փութամ հայր, արբեցո՛ղ դանձն քո. որ աստղ եղեռնաւոր առաջնորդեաց քեզ այսր յարթունիս: Քսերքսէս մթերեալ քինու՛ զարիւն քո խնդրէ, սակ հատեալ է զխոյ քում, պարզեք խոստացեալ են զուշակաց զբէն... փութամ հայր, մի յապաղեր, գուցէ մատնիցիս:*
- Թեմիստոկլէ.** *Տարապարտ երկիւղիւզ այդու մատնիցիմ անշուշտ. հանդարտ լեր ետուր պատասխանի: Յորժամ յաղմկէ պատերազմացն ապրեցուցեալ՝ առաքեցի զքեզ յԱթոս, ո՛չ նաւակոծ եղեր զճանապարհայն:*
- Աղեսիլ.** *Այո՛, հայր, այլ 'ի կորնչել ամենեցուն որ ընդ իսն էին՝ ես միայն ապրեցայ, կարողութիւն ընդ կենաց փոխանակեալ:*
- Թեմիստոկլէ.** *Ո՛րպէս.*
- Աղեսիլ.** *Նաւ թշնամի 'ի վերայ հասեալ, կիսամեռ զիս 'ի վայրենի կոհակացն թափեաց, և ած այսր զերի:*
- Թեմիստոկլէ.** *Եւ զիտաց որ աստ զբաղչ քո կամ զծնունդ:*
- Աղեսիլ.** *Բնաւ ե ոչ որ: Բայց Քսերքսեսայ զուժք անկան ընդ իս, և յանձն եղէ յանձնաօթս միում 'ի մտերմաց նորա յաւազաց դրանն, որ արդ իսկ անց գնաց ընդ այս շտապս: Այլ եթէ զիտէիր, հայր, զիարդանձկով քո հաւելի հանապաղ, որպէս սրտեռանդն առ զիսն պաղատէի միւսանգամ շնորհել ինձ զքեզ. այլ աւա՛ղ, այլազգ կարծէի թէ լուիցեն Երկինք աղօթից իմաց:*
- Թեմիստոկլէ.** *Եւ զի՛նչ իցէ որդեակ. քաջ լեր և սիտփեաց, արտասուաց հուպ է խնդութիւն, և անընդմէջ յաջորդեն միմեանց: Այսօր իսկ հնար է յեզուլ բաղդին: Ահա այժմէն թեթևացան ինձ վիշաք՝ զի ողջամբ գտի աստ զքեզ:*
- Աղեսիլ.** *Այլ զիարդ գտեր զիս, հայր. աւա՛ղ, յօտար երկիր, 'ի տուուեն զերութեան, սրպէս եկիր այսր, անոք, միայնակ, անախարհիկ և հալածական: Ո՛հ, հայր իմ, երկիրի հայր, ո՛ր այն քո նախկին ընտանիք փառք անկապտու, ո՛ր շուք պերճ, պաշտօնէից խումբ, զանձք և բարեկամք... Անագորոյն զիք, քաղաք ապաշնորհ, զիարդ ընդ քե հանգարտէ երկիր, և ոչ փեռեկի կլանել զքեզ, կամ շանթք երկնատեղացք յապաղին լիզանել զքեզ:*
- Թեմիստոկլէ.** *Ոչիմ լեր, Աղեսիլայէ՛, մի կարի միեալ բարկութեամբ: Ար հայրենեաց շարիս մաղթէ՛ իմ որդի ոչ է. ամբարտուութեան խորհուրդք են, և ոչ վայրիկ մի ներեսցէ զայդ Թեմիստոկլէ:*
- Աղեսիլ.** *Սակայն որչափ պաշտպանես դու նմա հայր, յաւելունա առ քեզ 'ի շարիս:*
- Թեմիստոկլէ.** *Բաւ է, մի ես այլ...*
- Աղեսիլ.** *Այլ աղէ՛ դու միանգամ աճապարեա, հայր, խոյս տուր 'ի սահմանաց աստի:*
- Թեմիստոկլէ.** *Եւ զմէ՛ կասկածես, չիք որ որ ճանաչէ զիս:*
- Աղեսիլ.** *Չէք որ որ զքեզն ճանաչէ. բարե՛, ծածկկեցի՛ ուրեք Թեմիստոկլէ անձնաօթ: Գերապանած ոգւոյն առաքինութեանցն նշոյլք 'ի դէմս փայլատակեալ եթէ ո՛չ զուշակեցեն զնա: Եւ այսօր իսկ առաւելագոյն վտանգ է մեզ հրեշ-*

տակ պատգամաւոր յԱթենայ եկաւ այսր 'ի Շօշ, և ո՞ գրեզ յաշաց նորա և ընկերացն ծածկուցէ :

Թեմիստոկլ. Եւ ո՞ պատգամաւորն է՝ եթէ գիտիցեն, կամ առ ի՞նչ գալուստ նորա :
Ագնսիլ. Յայժմ ոչ ինչ գիտացի, այլ ընդ հուպ ելցէ նա առ արքայ՝ տալ զպատգաման : Ոչ տեսանես, հայր, զհարդ ահա ամբոխ ուժղին խուռնընթաց լինին 'ի վայրն :

Թեմիստոկլ. Եւ իցէ՞ օրէն ամենեցուն երթալ անդր :
Ագնսիլ. Եւ կարի իսկ քաջ :

Թեմիստոկլ. Թոյլ տուր ասայ զբազմամեայ ցանկոթեան իմոյ զտեն՝ յաղեցուցանել այսօր, և 'ի մօտոյ գէժ՝ յանդիման տեսանել զթնամին իմ :

Ագնսիլ. Անսա հայր, զի գործես. եթէ սպանանիցեն զիս յերկիւղէ : Ահ սոյ, եթէ սիրես զիս՝ փոխեաց հայր 'ի խորհրդոց այսի : Ահաւասիկ միւսանգամ արասասուօք և զողովթեամբ մատչիմ 'ի համբոյր աննկուն ձեռինդ, և երդմնեցուցանեմ զքեզ յահաւոր անուն տոտուածոց, 'ի բողոզի քո և 'ի սէր հայրենեաց՝ զոր վարհուրիս թնամանել, որում անյիշատար սիրով փոխարէն չարեացն խնամարկես :

Թեմիստոկլ. Ի՛նչ մատր աս իս 'ի գիրկս իմ, որդեակ սիրեցեալ Ագնսիլայէ : Այդ տագնապ երկիւղիդ՝ հայրասէր գորովոյ է. այլ քաջ լեր, մի անկցի սիրա քո, հոգ խնամոց անձին իմոյ՝ յիս կացցէ : Ողջամբ մնա որդիսի իմ, և զսպառնալիս չարեաց անողորբելի բաղղին՝ յինէն ուսիր արհամարհել : Որ մանչելոյ ցասման ռեսերմ բոխտին գիտէ հանգարտել, զսպառնալիս նորա աներկիւղ ծարրէ : Ի ծով այլեկոծ մարդի նաւաստի, և 'ի սպառնալիս ահագին բախտին՝ արին քաջասիրտ. (էյանե) :

ՏԵՍԻԼ ԶՈՐՐՈՐԴ

Ա Գ Ե Ս Ի Լ Ա Յ Ո Ս, Մ Ի Լ Ը Ր Ա Ն

Ագնսիլ. Խիթամ, կասկածեմ ահիւ, սարսին ոսկերք իմ, 'ի ձեզ, ով գիք, 'ի ձեզ գհայրն իմ առնեմ ապաստան... Այլ ահաւասիկ դարձ առնէ Միհրան, գիտէ նա անշուշտ զպատճառս զայլոյ պատգամաւորին : Լուր ինձ քաջդ, եթէ գիտիցեն՝ զի՞նչ անուն իցէ հելլէն պատգամաւորին :

Միհրան. Լիւսիմաքոս անուն է նորա :

Ագնսիլ. « Բարեկամն մեր » . իսկ առ ի՞նչ գայցէ :

Միհրան. Որպէս լուայ հաւաստեալ՝ 'ի խնդիր Թեմիստոկլելոյ :

Ագնսիլ. « Ի խնդիր հօրն իմոյ. բարէ և նա՛ ուրեմն յաւելու 'ի թնամիս » :

Միհրան. Եւ արդ ժամ է երեւելոյ նորա արքայի. անդ համարձակ յայտնեացին իրք, եւ ես արդ անդր սրանամ. (էյանե) :

Ագնսիլ. Եթէ ճշմարտութեամբ 'ի խնդիր հօրն իմոյ եկեալ իցէ Լիւսիմաքոս. այննգաւոր բարեկամ, այս իցէ սէր բարեկամութեան նորա առ հայրն իմ : Այսպէս և հաւատարիմք կարծեօք 'ի բարեկամն՝ ընդ բաղղին փոխութին, բարէ, և ո՞ կասկածէր :

ԱՐԱՐՈՒԱՍՏ ԵՐԿՐՈՐԴ

ՏԵՍԻԼ ԱՌԱՋԻՆ

ԹԵՄԻՍՏՈՎԷՍ, ՆԵՈՎԷՍ

Նեոկլ. Յո՞ դիմեալ երթաս, հայր. ոչ կարեմ կալ 'ի վերայ մտացդ : Զահի հարեալ զողամ յամենայն ակնարկութենէ, Թուի ինձ եթէ 'ի քեզ միայն ամենքին պլուցեալ են : Այլ ահա դան պատճենայք արքայի, ահա և արքայ ինքնին, աղէ՛ հայր. փախիցուք աստի :

- Թեմխատիկ. Ո՛չ այդպէս, մեկուսի 'ի խռան ամբոխին կայցուք զտեղի:
- Նեոկի. Սակայն վտանգ մեծ է, հայր:
- Թեմխատիկ. Բաւ է այդ, մի ևս:
- Նեոկի. Ամենայն ոսկերք իմ ընուն դողութեամբ:

ՏԵՍԻԼ ԵՐԿՐՈՐԴ

ԹԵՄԻՍՏՈՅԻԼԵՍ, ՆԵՌՈՅԻԼԵՍ, ՔՍԵՐՔՍԵՍ, ՄԻԼԻՐԱՆ, ՆԱԽԱՐԱՐՔ

- Քսերքսես. (Առ մի ոմն 'ի բիկնապահաց) : Եկեացէ արդ Հելլէն պատգամաւորն, լուիցուք զի՛նչ պատգամք իցեն: Յայս վայր ուրեմն, Միհրան, 'ի ցամանէ մերմէ ծածկի Թեմխատիկ. այսպէս ասա ոչ ինչ զօրեցին պարզեք և խստամունք:
- Միհրան. Այլ ո՛չ 'ի սպառ թագիցէ, տէր արքայ. որոգայթք բաղմազիմի լարեալ են նմա 'ի կորուստ:
- Քսերքսես. Յորչափ զօրս զայս շնչէ Հելլէնն խաղաղութիւն մերծեալէ յինէն: Քսերքսէս տեսաւ 'ի նմանէ փախուցեալ. և յամբոխէ նաւաց ընդ որովք Եգիան մկանունքն Հիծեցին՝ զփայտն շնչին եթող նա ինձ ապաւէն փախըստեան, և ջուր աղտաղտուկ արիւնխտան 'ի ծարաւ իմ մատոյց. և որ յայտրան յողթանակ 'ի վերայ իմ պանծայ՝ ապրեցի՛ 'ի սրտամտութիւն ինձ և 'ի նախատինս անմահ. (Երբայ բազմիկ 'ի գահ) :
- Նեոկի. « Արդ լուար հայր » :
- Թեմխատիկ. « Լուայ » :
- Նեոկի. « Փախիցուք ասա » :
- Թեմխատիկ. « Լուռ լեր » :

ՏԵՍԻԼ ԵՐՐՈՐԴ

ԼԻԽԻՄԱՐՔՈՍ, ԹԵՄԻՍՏՈՅԻԼԵՍ, ՔՍԵՐՔՍԵՍ, ՄԻԼԻՐԱՆ, ՆԱԽԱՐԱՐՔ

- Լիւխիմարքոս. Աթենական պետութիւն, արքայ քաջ, և 'ի թշնամին զարքունակոսն մեծարեալ զթագ, 'ի մեծութենէ սրտիդ որ հօր իխանութեանդ է հանգէս՝ շնորհս խնդրէ, մեծ քան զամենայն պարզ և:
- Քսերքսես. Միայն թէ խաղաղութեան չիցէ. անց բազմեաց, և յայտնազոյն ճշգրտեցին բանք. (բազմիկ Լիւխիմարքոս) :
- Նեոկի. « Ո՛չ ինքն Լիւխիմարքոս է հայր » :
- Թեմխատիկ. « Նոյն ինքն » :
- Նեոկի. « Ոգնեացէ՛ ինչ մեղ բարեկամութեամբն » :
- Թեմխատիկ. « Լուռ լեր, կամ ևրթ 'ի բաց » :
- Լիւխիմարքոս. Զվնասակար հասարակաց խաղաղութեան բռտնոյ կամ նուաճել թագաւորաց ամենեցուն օգուտ պահանջէ, և թշնամեաց մոռանալ աստ գրէն միմեանց պարտք են: Մեղուցելուն ասպնջական՝ հասարակաց վնասակար է՝ տեղի ապահին յանցաւորաց կացեալ: ԶԹեմխատիկ « ո՛չ, ներսա ինձ, բարեկամ քաջ » և ինքն արքայ գիտէ յանցուցեալ, և յարքունիս այսր լսեմք զնա ապաւինեալ. զոր պահանջին մարթ էր, պարզ և զնա խնդրեն Սթէնք:
- Նեոկի. « Ո՛վ անագորոյն քաղաքացիք, ո՛վ բարեկամ նենգաւոր » :
- Թեմխատիկ. « Ո՛վ հաւատարիմ քաղաքացի » :
- Քսերքսես. Եթէ ստուգիւ այս պատճառք իցեն առ մեղ պատգամաւորութեանդ, ո՛վ գու, կամ թէ այլ ինչ ներքոյ պատրուակեալ, ո՛չ քննեմք, և ո՛չ զպատգամաւորիկ հաւատարիմութիւն: Այլ ճոռով՝ ճարտարօտութիւն՝ զժլպլբուհոս թիւն յանդուգն խնդրոյք պատրուակել ոչ կարաց: Զխաղաղութենէ Սթենայ ինձ զի՛ փոյթ է, կամ թէ հրամանաց ձերոց իցեմ՝ սպասաւոր. և բնաւ ո՛ր զնորանէդ կարգ սահմանեաց 'ի մէջ թշնամեաց, Օրէ՛նս եկիր տալ

այսր առաջի իմ, թէ խրատտու : Ի խրատտուէդ կասկածեմ, և օրինացդ ոչ հնազանդիմ : Է՛հ, մի այդպէս խրոխտացեալ պերճանայք յաղթու-
թեամբ . բարիտ Աթենայ՝ խարխուլ յերերի կայ տակաւին , և ճանա-
պարհք՝ րայց են զեռ առաջի Քսերքեսայ :

Լիսիմ. Այլ զինչ օգուտ է ձեզ 'ի Թեմիստոկլեսայ :

Քսերքես. Տեսցես՝ յորժամ լինի ընդ ինև :

Լիսիմ. Չնէս է ապա :

Քսերքես. Եւ ոչ թէ էր՝ համարս ստիպէի տալ ձեզ :

Լիսիմ. Է՛հ, մի դու , արքայ քաջ, մի յոյժ ատելութեամբ հելլէն անուանն ջերա-
նիցիս . եթէ խաղաղութեանն զօդ . . .

Քսերքես. Աղէ տակաւին զխաղաղութենէ՛ . պատուիրեցի քեզ չխօսել :

Լիսիմարոս. Եւ կարի իսկ քաջ, սակայն . . .

Քսերքես. Սակայն շատ է, ծանեայ զխորհուրդք քո և ծանուցի զիմս . արդ մեկնել
կարես :

Լիսիմարոս. Մեկնեացց . սակայն եթէ այդպէս ատելի է խաղաղութիւն քեզ, այլ մի
գոնեայ արհամարհութեամբդ պանծայիր : Մի պթնամի արհամարհել
խրատեցաւ 'ի մօտոյ տուժիք իւրովք Ասիա : Յորմէ ոչ կասկածես՝ հզօր
բազում անգամ պատահէ . « Ելլանք » :

ՏԵՍԻԼ ԶՈՐՐՈՐԻ

ՔՍԵՐՔԵՍ, ՄԻՆԴԱՆ, ԹԵՄԻՍՏՈՒԼԵՍ, ՆԵՌՈՒԼԵՍ, ՆԱՍՏՐՈՒՔ

Քսերքես. ԶԹեմիստոկլէս 'ի Պարոս խնդրեն Հելլէնք . հապա Միհրան, խոյզ խնդիր
արա, և եթէ է ստուգիւ՝ զտէրք արգահատեա : Ահ, մինչչև անօրինին
ելիալ 'ի սպանդ՝ ոչ յագեսցի սրտմտութիւն՝ որ զիս կեղեքէ :

Նեոկլէս. « Տակաւին կաս հայր, և ո՛չ խուսափես » :

Թեմիստոկլէս. « Արդ ժամ է աւասիկ, մատիցուք 'ի գործ » : « Անցանկով ընդ մէջ բիկ-
եսպանաց » :

Նեոկլէս. « Լ՛ուր ինձ հայր, անսա՛ աղաչեմ » :

Թեմիստոկլէս. Արեաց տէր :

Միհրան. Բարէ յանգուզն ժպրհութեան : « Աս բիկեսպան » Ի քայց հանէք զդա
'ի վայրացս :

Թեմիստոկլէս. Ո՛չ այդպէս սովորեցին զիք՝ ապախտ առնել զուխտս մահացուաց :

Միհրան. Ի քայց կայ այր դու :

Քսերքես. Մի այդպէս, թող լուիցուք . խօսեաց հիւրդ, զի՛ խնդրես :

Թեմիստոկլէս. Հալածեալ 'ի բախտէ՛՝ ապաւէն խնդրեմ, և ոչ գտանեմ . Որմիզդ և
Քսերքեսէս կարեն ապրեցուցանել զիս :

Քսերքես. Ո՛ր իցես՝ զայն սաս :

Թեմիստոկլէս. Աթենացի եմ :

Քսերքես. Եւ այր հելլէն աթենացի՛ ժպրհեցար կալ առաջի իմ :

Թեմիստոկլէս. Անուն հելլէն աստ 'ի մեզս է, գիտեմ՝ և ես : Այլ այս մեղք՝ մեծապէս վաս-
տակօք քաւին 'ի յիս : Ո՛չ զԹեմիստոկլէս խնդրես, արդ ահաւասիկ աժի
դնա առ քեզ :

Քսերքես. Չինչ ասես . ճամարտութեամբ իցին բանքդ :

Թեմիստոկլէս. Յատեան թագաւորի ստել չէ օրէն :

Քսերքես. Ո՛վ խնդութիւն . և զինչ հատուցից . աղէ՛ սաս ո՛ր իցէ անօրէնն, ատե-
լին անձին իմոյ :

Թեմիստոկլէս. Ահաւասիկ առաջի քո է, արքայ :

Քսերքես. Եւ ո՛ր իցէ :

Թեմիստոկլէս. Ես ինքն :

Քսերքես. Դո՛ւ Թեմիստոկլէս . . .

Թեմիստոկլէս. Այո՛, զիւցազանց տէր, ես ինքն եմ Թեմիստոկլէս :

Նեոկլէս. Երկինք, յո՛վ թագեայց . « Ելլանք » :

Քսերքես. Այդպէս ապա խաղ համարիս պատուան մեր . ապա . . .

Քեմիստոկէս. Մի այդպէս երազեր 'ի դատաստան, տէր իմ. լուր նախ և ապա կնքես-
 ջիր պատասկներ: Ահա առաջի քո է Քեմիստոկէս՝ բաղդին ծաղր, աս-
 տուածոց խաղալիկ: Չգահոյս քո սասանեցուցեալ՝ արդ առ քեզ գամ, և
 զքո գթութիւն պաղատեմ զօրավիզն ինձ: Գիտեմ՝ հզոր դարբայ, և ցասունն
 նորս ոչ էր յինչն անծանօթ, այլ 'ի ներող գթութիւնն յուսացայ: Եայն-
 քան առաքինութիւնդ չիք որ որ ոչ յուսասցի: Առաջի քո կամ, և բաղդն
 իմ 'ի ձեռին բում է. հզորես 'և զթութիւն և վրէժխնդրութիւն տունել
 ընդ իս: Եթէ փառացն բոց գեղանի 'ի սիրտ քո վառեցաւ, ահա ասպա-
 րէզ լայն բացեալ առաջի՝ արժանի քում առաքինութեանդ՝ շահատակել
 համարձակ, յաղթեա անծինդ, յաղթողդ աշխարհի. ալ կարկառեա 'ի
 փրկութիւն թնամուոյ՝ որ ընդ քե կայ: Իսկ եթէ բոց վրէժխնդիր յերա-
 կունս քո ճարակի, ճգնեաց, և վայրիկ մի զսրտմտութիւն 'ի բաց եղեալ,
 խորհեալիք որ շահ իցէ. կորուսանել զթնամի օգտակար քեզ, եթէ բա-
 րեկամ հաւատարիմ ունել զնա: Թագաւորես հզոր, խորհեաց. այր
 հէզ և հալածական գթութիւն 'ի քէն պաղատի, և որ հաճոյ իցէ քեզ՝
 տուր դատակնիք:

Քսերքսես. « Անմահ աստուածք, սիրտ անվեհեր քան զայս, ո՛ր ետես. ո՛ր առաքինու-
 թիւննոր, չքնաղ քաջութիւն: Թնամի որդերիմ՝ անգէն, միայնակ, համար-
 ձակի՛ կալ առաջի իմ, և 'ի գթութիւն իմ յուսայ: Ե՛հ ոչ, անցոյց զանցոյց
 զցասամաքս իմով: » Եւ զինչ խնդրես դու, Քեմիստոկէս. գիտաւ՝ հակա-
 ոակ ատելութեան հանել յիս տխոյեան, այլ զայս նուազ ոչ յաղթեցես:
 Ե՛կ մատր 'ի գիրկս իմ, (եյակե՛ 'ի գահոյիցն.) և որպէս յուսացար՝ գիտ
 զնոյն: Ահա զգանձս բացեալ վասն քո, և զինեսցի 'ի պաղատանութիւն
 քեզ պատութիւն Արեաց, և յայսմ հետէ՝ Քսերքսես ընդ Քեմիստոկէսայ
 մի անձն իցէ:

Քեմիստոկէս. Յայժմ, զիւրազանց տէր, յանդուզն և տարապայման ակնկալութիւնս
 իմ թուէր, այլ արդ յաղթեցայ 'ի գթութենէ, խոստովանիմ զպարտու-
 թիւն: Ձինչ հատուցից փոխարէն, զբրտունս իմ և զվաստակս, զարլին
 իմ և զկեանս. այլ զինչ այնորիկ իցեն առ մեծ երախտիսդ:

Քսերքսես. Բարեկամութիւն միայն Քեմիստոկէսայ շատ է 'ի փոխարէնս. այլ կացցէ
 'ի մեզ պայքար: Զառաջին թնամանս ահա մոռանամ, այլ չքեզ ևս վա-
 ուեսցի պատերազմ՝ այսօր ընդ իս և ընդ քեզ: Իրբ գտեալութիւնս սեր
 փոխանակեաց՝ և կուռոյն փոխեսցի կերպարան: Մոռա դու զցատումն, և
 զվրէժխնդրութիւն, զու իմ զօրավիզն նեցուկ ամբութեան, ես եղէց հո-
 վանի քեզ և պաշտպան. « Եյակե՛ »:

Քեմիստոկէս. Յեղեղուկ բաղդ, գիտի՞ր վաղվաղակի փոփոխիս. եթէ խաղալ զինև կար-
 ձէիր՝ զուր յուսացար. 'ի յաջողուածս և 'ի ձախտութեան ծանեայ զքեզ.
 'ի հրապոյրս սիրոյդ ոչ պատրիմ, և 'ի ցասմանէդ քում ոչ զանգիտեմ:

Ոչ 'ի շրթանցըդ քոց ժպիտ խարուսիկ
 Ի՛ ոչ չըլանամ 'ի քո շողին վաղանցիկ:
 Կանաչագեղ 'ի մարգարօտ ընդ ծաղկամբ
 Կարանամուտ սողան ըստեպ ի՞քդ 'ի ջումբ:
 Կորույր յայեր վառին երբեմն իբր աստեղց,
 Այլ չեն աստեղք, և է նոցա ցոլ զիւրեղծ: (Եյակե՛):

ՏԵՍԻՆ ԼԻՆԳԵՐՈՐԴ

ԱՅԾՈՒՆՅՈՍ, ՄԻՃԵԱՍ

Աշխարհայտ. Ա՛հ հայր իմ, ո՛ր իցես, ո՛ր ինձ զնա ցուցանէ, եղուկ ինձ, ոչ կարեմ գտանել
 զնա. սակայն աստ յանդիման եղև արքայի. եղբայրն իմ՝ Նէոկէս նա
 պատմեաց ինձ, եթէ երբեք խաբեսցի՛ նա:

Միհրան. Ազխարայէ՛:

Աշխարհայտ. Ո՛հ Միհրան, ողորմեա, զթմա, ապրեսց որ զհայրն իմ:

Միհրան. Չհայր քու:

- Ազնեսիրայու.** Այ՛ն քաղզ, Թեմիստոկլեսայ որդի եմ, արդ ծածկել ինչ ոչ օգնէ:
Միհրան. Այ՛ժմ լուայ. այլ առ իսկ իցեն քեզ ցաւքդ, զի՛ եղև հօր քում: չև ևս ապա գիտացեր:
- Ազնեսիրայու.** Չայո ևեթ գիտացի՛ դի ինքն հայր իմ անձնամասն եղև 'ի ցասունն Քսերքսեայ: Եղբայրն իմ՝ Կեոկլէս աստ առնմա ոչ կարացեալ արգելուլ զնա՛ ի մահառիթ խորհրդոյն, եկն շտապաւ՝ գուժեաց ինձ զամենայն:
- Միհրան.** Եւ այլ ո՛չ ինչ գիտիցես:
- Ազնեսիրայու.** Եւ զի՛նչ, աղէ պատմեալ:
- Միհրան.** Մ'ն ապա երթիցուք՝ զի կոչէ զքեզ արքայ:
- Ազնեսիրայու.** Արքայ՝ զիս կոչէ. իսկ առ ինչ, Միհրան, մի եթէ չար ինչ...
Միհրան. Ո՛չ այդպէս, զի որդի ես Թեմիստոկլէսայ՝ ինքնին հայր քո յայտնեաց արդ յունենի արքայի, և խնդութեամբ բազմաւ լուաւ զայն Քսերքսէս:
- Ազնեսիրայու.** Յաճեաւ ուրեմն արքայ՝ ի ցասմանէ իւրմէ առ հայրն իմ:
Միհրան. Չինչ ցասունն կամ՝ զինչ ատելութիւն. Թեմիստոկլէս արդ ընդ առաջին սիրելիս է արքայի:
- Ազնեսիրայու.** Եւ գիտրդ. ո՛չ վայրիկ մի յառաջ արեան նորա ծարաւէր:
Միհրան. Եւ արդ զիրկա զնովաւ ամէ, զնա կարդայ իւր բաղդ, և զմաննէ խօսի առ ամենեսանն:
- Ազնեսիրայու.** Ըջմարտութեամբ, Միհրան. ո՛հ, մի եթէ փաղաքըն զինև:
Միհրան. Այսպէս գիտիցես զՄիհրան:
- Ազնեսիրայու.** Ո՛հ ներեա ինձ. բաղդ, խնդութիւն յեղակարծ՝ զմիտս իմ կալաւ, այլ յայլմէ լինիմ և ոչ գիտեմ ուր իցեմ. Թուիմ երազել, երկնչիմ զարթնուլ, զուցէ անդէն՝ ի վիշտս դարձայց: Հապա երթիցուք:

ԱՐԱՐՈՒԱԾ ԵՐՐՈՐԴ

ՏԵՍԻԼ ԱՌԱՋԻՆ

ԹԵՄԻՍՏՈՂԷՍ, ԿԵՈՂԷՍ

- Թեմիստոկլէս.** Ահաւատիկ, Թեմիստոկլէս, այլափոխեալ ՚ի միում աւուր երեսք ըաղչին: Ահա փոխանակ զոյզն տաղաւարին, զոր սակաւիկ ինչ յառաջ մուրացիկ և անկեաց կենօք խնդրէիր, ժողովէ զքեզ արդ պայառ չքեզ. սպասք ըրիր՝ ողգիր, փարթամ մեծութիւն արդ զբև վառի. հազարապետ եղեր արքայի, իշխան ախարհիս: Այլ ո՛ գիտէ՛ զինչ տացն երկինք կատարած, ո՛ գիտէ՛ քանի՛ ևս ՚ի տեսարանիդ լիցիս կերպափոխ: Ահ, և կարի յոյժ նմանազոյն՝ խաղ են կեանք մարդոյ ՚ի վերայ երկրի, և ո՛ գիտէ երբ վախճանեսցին:
- Կեոկլէս.** Գէթ խուն մի արդ զուարթ նշողն աստեղք, ո՛ հայր, ՚ի սփոփումն անմեղութեան և առաքինութեան. արդ անցին զմեօք այլք: Ո՛րպէս ՚ի լուր համբաւոյն՝ քաղաքացիք ապաշնորհք զարհուրեացին յԱթէնս: Այս մեզ, ո՛ հայր, սկիզբն է աւուրց բարութեան. այժմէն տեսանեմ և թուիմ վայելել ընդ քեզ՝ ՚ի բարձ ՚ի պատիւ. և զանձս և յաղթանակս և պսակս ընդ քեզ համբարիւլ դարձին, և անգր քան զՀերակլեսայ արձանսն ընդ քեզ գործիլ ճանապարհ, նուաճել զթագաւորութիւնս, օրէնս տայ ազգաց:
- Թեմիստոկլէս.** Զգոյշ: Կեոկլէս, մի այդչափ խրախուսել. դեռ ևս անարի երկիրդին վհատեալ արդ յանգուզն խիզախես: Մինչ դեռ ճախողակի հողմք չընչէին՝ հուպ առ նաւաւանգիտան ահարեկէիր, արդ զի վայրիկ մի ոսթղեն՝ համբարակես բնաւ զառագաստս: Համբուն զհակառակի կամէր: Խրախոյսդ այդ՝ արիութիւն էր յայնժամ, և արդ յանգնութիւն, և որով սըրտաբեկէիրն երկիւղ՝ վատութիւն էր անդ, և աստ իցէ առաքինութիւն:
- Կեոկլէս.** Այլ զմէ իցէ կասկածել, ո՛ հայր:

Թեմիատիկես. Իսկ յի՛նչ յուսալ. եթէ 'ի գանձս՝ որ յուսացեալ և կորնչին. թէ 'ի բարեկամս՝ որ ոչ մեր են, այլ բազդին, ընդ նմա եկեալ և ընդ նմա մեկնին:

Նեոկիես. Այլ սէր ֆսերքեսայ՝ բաւ է 'ի զորավիգն:

Թեմիատիկես. Եւ ֆսերքեսայ ցասումն՝ բաւեցցէ 'ի բեկումնս:

Նեոկիես. Այլ թագաւոր իրաւատէր և իմաստուն ֆսերքեսա...

Թեմիատիկես. Այլ թագաւոր մեծ իբրև զնա՝ ոչ կարէ ճմարտութեամբ ամենայնի խելամուտ լինել. յաճախ և 'ի չարախօսաց որդայթի, և չարախօսք երբեք ուրեք ոչ պակասին:

Նեոկիես. Այլ զու, հայր, առաքինութեամբ քով և զամենայն չարախօսութիւն կարկնացես:

Թեմիատիկես. Խարբս, Նէոկէս. ուր իւրաքանչիւր զիւր վաստակս մեծարէ՝ անդ առաւել է վտանգաւոր առաքինութիւն բազմափայլ:

Նեոկիես. Ո՛հ, որպիսի... .

Թեմիատիկես. Ահա արքայ գայ, տեղի տուր աստի:

Նեոկիես. Զօրութիւն ծածուկ գարանեալ կայ 'ի բանս քո, հայր. մինչդեռ 'ի ծոց բաղդին թուէի, յանկարծ յափշտակեցին զիս ալիք երկկուդի. 'ի քթթել ականկերպարանափոխ եղև ամենայն, և այլ ընդ այլոյ փոխանակին կիրք: Այսպէս երբեմն 'ի թատեր — Շուրջ բազմեղոցն 'ի զընին՝ Տեսիք բստէպ փոփոխին — Խարեպատիբ 'ի պատկեր: Բանտ ահաւոր և տրիտուր՝ — Յոսկեձեղուն յարբունիս, Անգուեղք ծրիին 'ի յալիս — Մայրեաց յանտառ թաւամուր. (Ելանէ):

ՏԵՄԻԼ ԵՐԿՐՈՐԴ

ՔՍԵՐՔՍԷՍ, ԹԵՄԻՍՏՈՒԿԷՍ

Քսերքսես. Թեմիատիկէս:

Թեմիատիկես. Ահաւասիկ եմ, տէր:

Քսերքսես. Ի լրումն փոխարինի քոյոց առ իս վաստակոցդ՝ բազում ինչ զեռ ևս պարտապան եմ: Պարգևս խոստացայ զթեմիատիկէս առ իս ածելոյ, արդ՝ զի ընկալայ՝ գամ հատուցանել:

Թեմիատիկես. Եւ ո՞չ զոր մինչև ցարդ աննախանձ առատութեամբ պարգևեցեր՝ շատք իցեն:

Քսերքսես. Առ մեծութեամբ պարգևիդ՝ որով ճոխացայ՝ և ամենայն հատուցումն նուազ ինձ թուի:

Թեմիատիկես. Կամիս ապա...

Քսերքսես. Զտոյժս բաղդին կամիւհատուցանել, և հակառակնմին ամբառնայ զբեզ, Ահա սկիզբն պարգևաց մերոց՝ տուեալ լիցին քեզ Լամպակոն և Միուս, և զորով կարիպտասճ ալիքն հոսեն Մենանդրեայ: Ապա և հաւաստիք մեծի սիրոյն ֆսերքեսայ՝ ըստ արժանի քոց վաստակոցդ՝ յայտնադոյն ցուցցին:

Թեմիատիկես. Բաւ է, տէր արքայ. յաղթանակեցեր ցարդ 'ի վերայ Թեմիատիկի, մի՛ 'ի սպառ զնա ամաչեցուցես: Զի՛նչ քեզ ցայժմ վաստակեցի:

Քսերքսես. Զի՛նչ վաստակեցեր, բարէ, թեթև թուի քեզ՝ զի 'ի մարդասիրութիւն մեր յուսացեալ՝ 'ի մեզ զկեանս քո թողեր, ասպարէզ նոր բացեալ առաջի մեր՝ անմահ թողուլ փառս յազգս մահացուաց, և զի քև դարձուցեր 'ի մեզ բովանդակ զտոյժս Արեսց պետութեան:

Թեմիատիկես. Իսկ զայլարհաց քանչեղել, զարեանց ճապաղիս, զամբաւ կոտորած՝ որոց վնասապարտ եմ... .

Քսերքսես. Զամենայն փոխարինեն փառք՝ որով զթշնամոյն զառաքինութիւն մեծարեցի: Առաջնոց պարտութեանցն անօթ՝ բաղդին էր. իսկ այս՝ մերն փառք:

Թեմիատիկես. Իմաստք զիւցական՝ արժանի որ զլրովդի մեծի ունիս զզան՝ 'ի յերկրի. երանեմ զայլարհն՝ ուր այդպիսիք թագաւորես:

Քսերքսես. Լուր ինձ արդ, իմ՝ 'ի մտի եղեալ է զսկսեալն մարտ յառաջ մղել. արդ զի զկեանս քո յուսացար՝ 'ի մեզ, և մեր թագաւորութիւնս 'ի քաջութիւն

բազկի քո ամբաստցի: Արեաց բանակին դու կացցես սպարապետ և իշխան. յանդիման մեծի ճակատուն՝ համախումբ փաղանգացն՝ այսօր իսկ զիշխանութեանդ զլուք և զձև կայցիս. և զխորոխտացեալն իշխպտոս նշուածնալ նախ՝ ժամ առցուք և ՚ի մեծամեծն ձեռնարկել: Յորչափ թեմիստոկլ առ մեզ է՝ զաշխարհ նուածնեք:

- Թեմիստոկլէս. Եթէ ցայս վայր, տէր արքայ . . .
- Քսենրքսէս. Երթ ապա, ՚ի հանդէս նորոց յաղթութեանց պատրաստեալքի, և զոր բանիք կամէիր ասել՝ արդեամբք հաւաստեցես:
- Թեմիստոկլէս. Բարերար զիք, հովանացի աջ ձեռ արքայիս Արեաց, յամերամ կենօք պահեցէք զսա յազգս մահացուաց, պատկիր կենդանի դրոշմնալ յերկրի զձեռ ուղղութեանց. և բազմադէմ առ ՚ի նմանէ բարեացն փոխան՝ սիրտ երախտազէտ տուք ինձ՝ ՚ի յաղթել և կամ մեռանել ՚ի վերայ նորա:

Բարբառ փողոցըն մարտամրոխ՝ — Ազդէ խրախոյս յունկն իմ այժմէն, Հրափայլ ուզիսց արեանցն ՚ի լող — Ի վերայ քո վառեալ ՚ի զէն: Սուր և դժոխս՝ եթէ սպառնան — Բաղդին արկածք չեն ահաւոր, Եթէ բարեացդ առ իս փոխան — Ով Քսենրքսէս, չեմ ապաշնորհ. « Ելանէ »:

ՏԵՍԻԼ ԵՐՐՈՐԴ

ՔՍԵՆՐՔՍԷՍ, ՄԻՋՐԱՆ

Քսենրքսէս. Եւ կարի իսկ քաջ ծանր է և զժուարակիր արքունին խոյր, և հոգք բազմաթախանքք զարաննալ ընդ նովաւ. սակայն և որոց բերկրութեանց չիցէ այն օճան: Զառարխին պսակել, ՚ի բռնութենէ կոյր բաղդին թափել զաննզն, և զարծանին՝ յերանաւէտ կեանս հանել ՚ի թշուառութենէ՝ սփոփումն է անպատում և բերկրապատար, և զթաղաւորս աստուածատիպ՝ ըստ ներել մահկանացու բնութեան՝ գործէ: Եւ ինձ այս բաղդ պատահեաց յօրէ՝ յորմէ թեմիստոկլէս առ իս է: Այլ պարտ է զանկունի զանձն ամբացուցանել և խորագոյն զոէրն՝ խնամկան յօղու հաստատել ՚ի մէջ մեր, և փնայացի ինձ Ագեսիլայոս: Առարխնութիւն և հանճար և իմաստութիւն ոչ չափաւորապէս նշողն ՚ի պատանին, և ձննդեամբն ևս ոչ անճաշս խառնեացի յարքունիս զարմ: Անգստին յառաջին օրէ գութ և սէր անկաւ ինձ ընդ նմա, այլ ոչ գիտէի եթէ զիւցադին որդի իցէ նա: Եւ թեմիստոկլէս անխցելի յօղին ընդ մեզ՝ ՚ի վերայ փառաց իւրոյ տոհմին տացէ զպատերազմն աշխարհիս Արեաց: Այլ կամէի գիտել զխորհուրդս Ագեսիլայ. առաքեցի զնմանէ, այլ . . .

- Միհրան. Տէր արքայ:
- Քսենրքսէս. Զինչ իրք իցեն:
- Միհրան. Միւսանգամ՝ հիլլէն պատգամաւորն խնդրէ յանդիման լինել արքայի:
- Քսենրքսէս. Դեռ ևս աստ իցէ, և ընդէր յապաղեաց ցայս վայր:
- Միհրան. Գիտացեալ զի ՚ի քաղաքի աստ է թեմիստոկլէս, ակն ունի մեծամեծ պարգևօք առնուլ զնա:
- Քսենրքսէս. Ի՛հ, անցոյց զանցոյց զերկայնամութեամբ մերով: Երթ պատուէր տուր ՚ի մէջ փութալ մեկնել յաշխարհէս, ոչ ևս լուիցուք նմա:
- Միհրան. Կացցէ հրաման արքայի:
- Քսենրքսէս. Այլ կայ. խորհուրդ լուսագոյն ՚ի միտս իմ անկաւ. այլազգ պատուհասեացուք զնա: Երթ պատուէր տարջիր զի եկեսցէ այսր. երզուեալ ՚ի Միհրան աստուած՝ եթէ ոչ այսօր իսկ ընդ հուսլ՝ հրապարակաւ ՚ի տեսիլ ամենեցուն զթեմիստոկլէս առաքեցից յԱյլլաղա. փութա մի յապաղեր. ճեպեցո զնա այսր. ևս արդ նմա մնամ. « Ելանէ »: Խաղ արարից զնովաւ, ուսցին և Հեյլէնք ընդ ում՝ ՚ի վերս զան:

ԱՐԱՐՈՒԱԾ ԶՈՐՐՈՐԴ

Տ Ե Ս Ի Լ Ա Ռ Ա Ջ Ի Ն

Քսերքսես, Միհրս, Նասարգ, ազ թեթեօնուէս եւ Լիսիմաքոս

- Քսերքսես.** Այդպէս ապա, Միհրսն, 'ի խորս է Լիսիմաքոս:
- Միհրսն.** Աներկմիտ առանց յերկուանալոյ, ընկալեալ զպատգամ արքայի՝ ակն ունի ընդ հուպ զթեմիստոկլէս ընդունել: Այլ ահաւասիկ նա ինքն և թեմիստոկլէս ընդ նմա:
- Քսերքսես.** Առէք ինձ սոյս զնշան սոյարապետութեան Արեաց: « Երբոյ բողոմի 'ի գահ. Միհրսն ամենայ սկտեղր զգաւագան պարապետրեան՝ կայ առ արքայի՝ յայնմ վայրի »:
- Լիսիմաքոս.** Բարեկամ քաջ, յոր աղէտս պահեցին զիս երկինք. եթէ տեսանէիր զսիրտ իմ, գոր ամօթ . . . :
- Թեմիստոկլէս.** Չհաւատարիմ քաղաքացւոյ վճարեալ զպարտս՝ առ ինչ ամաչիցես. ընդ քաղաքացի և ընդ բարեկամ՝ բազում է խտիր: Հայրենիքն աստուած են՝ որում օրէն է զոչել զամենայն: Եթէ և թեմիստոկլէս արդ Լիսիմաքոս էր՝ ոչ այլ ինչ զազ գործէր:
- Քսերքսես.** Ե՛կ, յառաջ մատիր թեմիստոկլէս, ահաւասիկ Արեաց պետութեան ընտրեք համախումբ, այլ մեծի ամբոխին առաջնորդ պահասէ: և ո՛քան զթեմիստոկլէս իցէ արժանի: Առ զգաւագան սպարապետի զօրացն Արեաց. զքեզ կացուցի իշխան ընդ իմ և առաջնորդ նոցա, պատժել և պըսակել, պատերազմել և կանգնել յաղթանակ. փառք Քսերքսեայ և աշխարհին բողո՛ 'ի քեզ է:
- Թեմիստոկլէս.** Չլուք մեծի պաշտման՝ զոր չնորհէ արքայ, 'ի ներող զթութիւն նորա յուսացեալ՝ առնուցու յանձն թեմիստոկլէս ունել զայն անդրժելի ուրտիւ հաւատարմութեան: Եւ զինուորիսցին երկինք համագունդ ընդ մեզ ընդ դրօշակաւ քով պրաղդ. և եթէ աստեղք եղեռնաւորք աղղեցութիւն շարեաց պետութեանց սպառնան՝ ահաւասիկ ես, յիմ զլուխ թափեցի զասունն երկնուոր, և Արեացդ գունդք աննկունք 'ի մարտէն յաղթանակաւ դարձեալ բոլորիք գալինեօք, դիակն անչունչ անցն զիս առ քեզ:
- Լիսիմաքոս.** Այսպէս կատարէ զխոստումն իւր Քսերքսէս:
- Քսերքսես.** Այո, զթեմիստոկլէս առաքել խոստացայ 'ի Յոյն, կատարեցից. և ո՛րպէս՝ լուր. « Առ թեմիստոկլէս »: Կամիմ ո՛վ քաջ, 'ի ժպիրհն իլլադա լուծանել վրժժ. զգրինդն եզրպտական՝ իցն և այլթ՝ որք նուանեցնին. զքեզ, սպարապետ քառայաղթ, վրիժազորք մեծի զասման իմոյ սրձակիմ՝ 'ի Յունաստան: Երթ, հուր 'ի ձեռին, հար, կիզեա, տապալեա. և մի՛ խնայեր: Սպարտա, թերէ, Կորնթոս, Աթէնք, զԱրեաց զօրութեան ամենեքին առցն զգործ:
- Թեմիստոկլէս.** « Վայ ինձ, արդ վասն իմ վճարեալ է »:
- Լիսիմաքոս.** Եթէ 'ի լուր կոչեցեր զիս . . .
- Քսերքսես.** Չաղէտս ազգիդ կոչեցի լսել, արդ շատ է. ել մեկնեաց աստի, գուժկան զքեզ առ համագրիսդ սպառնալեաց իմոց առաքեմ. Երթ, պատմեա նոցա որպէս և զիւրդ հալածականն դառնայ առ նոսա:
- Լիսիմաքոս.** Հէզ և տառապեալ հայրենիք. « Ելանէ »:

Տ Ե Ս Ի Լ Ե Ր Կ Ր Ո Ր Դ

ԹԵՄԻՍՏՈՒԼԷՍ, ՔՍԵՐՔՍԷՍ, ՄԻԷՐԱՆ

- Թեմիստոկլես. « Ի՞նչ հայրենեաց մատնիչ » :
- Քսերքսես. Զի նչ խորհիս Թեմիստոկլէս :
- Թեմիստոկլես. Ո՛հ տէր արքայ, սիրտ իմ՝ և կեանք և արիւն՝ քո է ամենայն, հրամայեա զոր կամիս, այլ զայդ հրաման անցո յինէն : Եթէ աշխարհակալութեան ցանկեայ Քսերքսէս՝ բազում են աշխարհք ՚ի նուաճել :
- Քսերքսես. Այլ չև դիտրոտն Ելլազա նկուն արարեալ, Եթէ և զտիեզերս նուաճեմ՝ ոչ ինչ է :
- Թեմիստոկլես. Այլ յուչ լիցի բեզ... :
- Քսերքսես. Ո՛չ այդպէս, իմ՝ զայդ անդարձութեամբ եղեալ է ՚ի մտի, և որ ժպրհին հակառակել՝ թշնամի իմ է :
- Թեմիստոկլես. Զայլ որ ապա ընտրեսցէ արքայ իւր սպարապետ :
- Քսերքսես. Զիարդ :
- Թեմիստոկլես. Ահաւասիկ գաւազան սպարապետութեան Արեաց. « Ի բաց դեճ առ ոտս Քսերքսեայ. Միհրան բարձեալ՝ դեճ անդրեճ ՚ի սկոտեց » :
- Քսերքսես. Իսկ ընդ էր :
- Թեմիստոկլես. Եւ ստիպիցէ՝ արքայ զծառայ իւր՝ մատնիչ և դաճիճ լինել բնիկ աշխարհին. ո՛հ, բաւ այդ, չև այդչափ բռնացուն յիս շարիք :
- Միհրան. Բարէ համարձակութեանն :
- Քսերքսես. Այլ ոչ ևս Աթէնք հայրենիք են քեզ, կենաց անձինդ գարանակալ. այլ արքունիքս այս՝ որ յաղէտս քո կեցոյցն զքեզ և կրէ :
- Թեմիստոկլես. Թող որ կամին կեցուցէ, այլ Թեմիստոկլէս յԱթէնս ծնաւ, և հայրենի գաւառին սէր՝ ընդակից է. և գազանք զխոտիս ծննդեան սիրենն :
- Քսերքսես. Արտամութիւն վառի յիս : Սիրենս դու ապա տակաւին զԱթէնս. այլ դի՛նչ ՚ի նմա սիրելի է քեզ :
- Թեմիստոկլես. Ամենայն ինչ. աճիւն նախնեաց իմոց, օրէնք սուրբք, դէք խնամակալք, բարրաս. բարոքք և սովորոյթք, վաստակք՝ զոր վաստակեցի նմա, փառք՝ զոր ՚ի նմանէ բնկալայ, և համայն՝ օդ և երկիր և պատուարք և ժայռք և կողոթք և ամենայն ինչ :
- Քսերքսես. « Իլյակ ՚ի գահոյից » Այ՛ անարժան ապերախտ, և պանծան իսկ ՚ի սէր թշնամոյ իմոյ աստ առաջի իմ :
- Թեմիստոկլես. Ես, դիւցազնդ... :
- Քսերքսես. Դու ապա թշնամի իմ ես տակաւին. զուր ապա յուսացայ՝ առատաճիր պարզեօք... :
- Թեմիստոկլես. Զպարզևս քո, արքայ, ես ոչ մոռանամ. գրչաւ երկաթեաւ անջնջելի գրոյձեալ են ՚ի սրտի իմում. այլ թէ երախտագէտ հաւատարմութեան՝ փորձ խնդրէ արքայ, այլ թշնամիս ցուցցէ, և ահա արիւն իմ՝ և կեանք. այլ քաւ լիցի ինձ ՚ի կորուստ հայրենեաց զէն առնուլ. Քսերքսէս յայդ զուր յուսացաւ :
- Քսերքսես. Տակաւին ժուժկալիցեմ. լու՛ր սրդ, Թեմիստոկլէս, արդ արքայ խօտի : Որ գՔսերքսէս իւր բարեկամ խնդրէ՝ պաշտպանել Աթենայ ոչ կարէ : Տես սրդ, ընտրիս զոր կամիս :
- Թեմիստոկլես. Գիտէ արքայ զոր ընտրեցին :
- Քսերքսես. Ո՛չ այդպէս, տես քաջ զի գրաղդ քո սաճմանես :
- Թեմիստոկլես. Քաջ իսկ տեսի :
- Քսերքսես. Զերկնչն ՚ի ցատաննէ՝ որ ՚ի թշուառութիւն կարող է ամեն զքեզ :
- Թեմիստոկլես. Այլ ոչ ՚ի վատութիւն նենգիւ հայրենեաց :
- Քսերքսես. Այլ զիտիցեն՝ զի ես զկեանս քո պարզեցելցի :
- Թեմիստոկլես. Այլ ոչ զփառս :
- Քսերքսես. Բայց ահա ատեայ զբեզ Ելլազա :
- Թեմիստոկլես. Այլ ես սիրեմ զնա :

- Քսենոքսեն.** Ո՛վ սրտմտութիւն. զայն դու, թեմիստոկլէս, հատուցանես բարերարիդ՝
Թեմիստոկլէս. Աթենայ հմ քաղաքացի, արքայ:
- Քսենոքսեն.** Արդ ոչ ունիմ ժող. հանէք քարչեցէք յաջոց իմոց զանարժանդ ապա-
 շնորհ, տուք զգա 'ի պատուհաս՝ թերևս երկիւղիւ չտրեսացն՝ սասանեսցի
 յապառու՛մ՝ յաստութենէն:
- Թեմիստոկլէս.** Ուր չեն մեղք՝ և երկիւղ ոչ է. 'ի գելարանս կամ 'ի չղթայս զգուարթու-
 թիւն ևրեսաց ոչ փոխենմ. մեղուցեալ իմ չիք, 'ի պատուհասից ընդէր զան
 զիտեմ: Բայց թէ հաւատարմութիւն 'ի մեզս զրեսցի՝ մեղուցեալ և մա-
 հապարտ եմ, մեռայց մտադիւր, այլ ո՛ մահ նախանձնիլ՝ որ այնմ յան-
 ցանաց տացի փոխարէն. « Ելյանէ »:

Տ Ե Ս Ի Լ Ե Ր Ր Ո Ր Դ

ՔՍԵՆՔՍԵՆ, ՄԻՆԻՐԱՆ, ԱՅԱ ԵՆ ԱԳԵՍԻՊՍՈՍ

- Մինրան.** Ոչ, ոչ կարծէի, տէր արքայ. . .
- Քսենոքսեն.** Ո՛հ Մինրան, և ո՛ կազածէր թէ յարքունիս աստ՝ լու 'իլու ամենայն հրա-
 պարակիս՝ յամօթ արասցէ զիս թեմիստոկլէս. 'ի տէր ատելեաց իմոց պար-
 ձևացի առաջի իմ, ապախտ արարեալ զձեծամեծ պարգևս և զսէր:
- Մինրան.** Այլ ո՛ գիտէ՞ թերևս 'ի սպանալեաց արքայի և յերեսաց վտանգին՝ մեղ-
 մեսցի 'ի կամակոր յամառութենէն:
- Քսենոքսեն.** Ո՛՛ տայր. այլ ես այլմ ոչ ակն ունիմ. յամառութիւն՝ վառք են առաջի
 նորա:
- Մինրան.** Այլ գոնեա որդիք նորա 'ի գորով ամեալ զգաստացուցեն զնա. զէթ Ա-
 գեսիդայոս մտերմութեամբն ընդ քեզ:
- Քսենոքսեն.** Թող անդր 'ի բաց զԱգեսիդայոս. արդ և 'ի նա թերահաւատիմ. թեմիս-
 տոկլէսայ որդի է Ագեսիդայոս, և Յունաց ամենեցուն՝ ատելի Քսենքլէս:
- Մինրան.** Այլ ահաւատիկ նա ինքն զիմեալ զայ այսր խուճապաւ:
- Ագեսիդայոս.** Խնայեմ, տէր արքայ, զթութիւն:
- Քսենոքսեն.** Եւ իշխես դու բնաւ երևել առաջի իմ, ապաշնորհ Հօր՝ զաւակ կորստեան:
- Ագեսիդայոս.** Եթէ ոչ ներող զթութիւն Քսենքսեայ համարձակէր ինձ՝ զիայդ իշխէի:
 Այլ արդ եթէ յանցեայ ինչ կամ թէ վրէժ յակնկալութենէս լինիցիմ.
 ո՛հ, ոչ. ահաւատիկ յոտս քո մատուցեալ պաղատիմ արտասուօք, խնայեա, տէր,
 տէր, յազէտս իմ, անկցի դուք իմ առաջի քո. կամ թէ այնպէս ինչ հա-
 ճոյ իցէ քեզ, և արեամբ միայն Ագեսիդէսայ յազեսցի սրտմտութիւն քո՝ ա-
 հաւատիկ եմ. հեանք իմ ընդ կենաց Հօր իմոյ, հար զիս և մի՛ խնայեր,
 բայց միայն զհայր իմ պարեցո:
- Քսենոքսեն.** « Իիրտ իմ մորմորի, բարէ հայրասէր սրտին »: Մեռցի որ մեղան, յարին
 անպարտ ոչ ձեռն մխեմ, այլ զայր ապաշնորհ և ոխերիմ թշնամիացս սի-
 բող՝ զխարդ ապրեցուցից. է՛հ, այլմ մի ակն ունիցիս:
- Ագեսիդայոս.** Բարձաւ ապա անկալութիւն, եղուկ ինձ. այ չէք և տառապեալ ծնող,
 արդ զի՛նչ արարից... Յին տէր, զայս զէթ շնորհեսցես ինձ. յապաղես-
 ցէ վայրիկ մի սրտմտութիւն քո. ժամ աուր ինձ, թերևս կարացից փո-
 խել զնա 'ի խորհրդոցն: Աղէ՛, եթէ և զայս զլասցիս, տարարաղք ապա
 մնաւ Ագեսիդայոս. 'ի Քսենքսեայ՝ զեռ ոչ ք զարձաւ չողորմեալ, ես
 արդ առաջին զիրոք առից զանգթութեան նորա. ո՛հ, ոչ. բաւ այդ յար-
 քայէ՛ տէր և զթութիւն ընտանի են նմա, և ոչ յաղթէ՛ նմա ցատմա:
 Մի՛ս, տէր արքայ, զիջցի սրտմտութիւն քո, խնայեա 'ի հայրն իմ, կամ
 աստ իսկ սպան զիս:
- Քսենոքսեն.** Աստ կաց. « ճմիկոյց զսիրտ իմ »: Ահա լուայ, և տացի քեզ ժամանակ.
 երթ զգաստայր թէ կարեն՝ զհայր քո, մի՛ անշնորհ առ բարերարն երևել
 և զամենայն մտացայց: Դատ է զոր շնորհեցին ցարդ, և զայս դարձեալ
 շնորհեցի նմա. բաղդ իւր 'ի ձեռին իւրում, ընտրեսցէ զոր կամին. այլ
 տեսցէ մեծի զթութեանս արժանի յարգարել զանձն. ապա թէ՛ ոչ՝ յապա-
 զելոյ ցամանս իմոյ՝ տոկոսեօք լուծցի վրէժ. « Ելյանէ ընդ Մինրանայ »:

Ազնոտիզայտս. Արդ սակաւ մի ոգի առնուցում, արդ առկայծէ յուսոյ նշոյլ, ո՞ գիտէ՞ թե-
րևս յաղէտս մեր 'ի գութ խանդաղատեալ՝ խոնարհեցցի հայրն 'ի կամս
մեր... սակայն յանմեղկելի պնդութենէն խիթամ կասկածեմ. երկի՛նք՝ 'ի
ձեզ եմ ապաստան, խնայեցէք յիս, զերծայց յարհաւրաց աստի:

ԱՐԱՐՈՒԱԾ ՀԻՆԳԵՐՈՐԴ

ՏԵՍԻԼ ԱՌԱՋԻՆ

ԹԵՄԻՍՏՈՎԻԷՍ ՏԱՐԳԵԱՆԵՍ, ԱԶՍ ՄԻՂՐԱՆ

Թեմխտոկչես. Քաղաք իմ, հայրենիք իմ, անողորմ պատահեցարուք ինձ: Մտադիր
ցայժմ 'ի վերայ ձեր նահատակելի՛ զարիւն իմ և զկեանս փոխանակեալ:
Մենչելոյ սրտմտութեանդ՝ քաջութեամբ սրտիւ տարայ, և նձգե՛ն տեղի
'ի տեղւոյն հարածական գնացի. այլ արդ ապաշնորհ վասն ձեր առ բարե-
րարն երևել և առ մարդասէր թագաւորն, որ փոխարէն թշնամանաց՝ նե-
րոզ գթութեամբ զրկեաց զիս, բարձիւ և իշխանութեամբ պատուեաց,
ո՛հ, ներեցէք՝ չեմ այդմ բաւական:

Միհրան. Առ քեզ գամ, Թեմխտոկչես. հրաման է ինձ 'ի Քսերքսեայ՝ գիտել զխոր-
հուրդս քո: Կո մարդասէր կամօք ցանկայ ապաշուել ստրջանալ քեզ ընդ
վրիպակ քո. 'ի Թեմխտոկչեայ ոչ կասկածէի, ասէ, այդմ ապաշնորհ վա-
տութեան:

Թեմխտոկչես. Քան լիցի, չեմ ապաշնորհ, վկայեն ինձ զիք սրտաղէտք. ո՞ տայր և
Քսերքսեայ տեսանել այսօր և գիտել զսիրտ իմ: Այլ աղէ դու քաջդ,
տար զիս, առ նա երթիցուք:

Միհրան. Ոչ այնպէս, մինչև յանձն առեալ ատիլութիւն անմահ երդնուլ Ելլազայ
'ի բանտին, մի ակն կապցիս յանդիման լինել արքայի:

Թեմխտոկչես. Եւ այլ ազգ չիցէ՛ տեսանել միւսանգամ զբարերարն իմ:
Միհրան. Է՛ հնար, յանձն առեալ զերդումն. իսկ եթէ ոչ զարհուրիմ, Թեմխտոկչ,
ընդ բաղդ քո. գիտես որպէս անողորբի ի յիրիս այսմիկ Քսերքսէս:

Թեմխտոկչես. Եւ լինիցիմ մասնիչ և դա՛հին հայրենեաց և զապաշնորհ վատութեան
նախատինս յանձին կալաց. և ո՞չ կարեմ հրապարակացոյց առնել զար-
դարութիւն իմ, և 'ի վերայ երախտագիտութեան մեռանել. «Խորհի»:

Միհրան. Ասա ինչ, տուր պատասխանի:
Թեմխտոկչես. «Արիտրեանք» է՛հ, թօթափեսցուք յանձնէ զտաղնապ, և քաջութեամբ
արժանի թեմխտոկչեայ նահատակեսցուք: Երթ Միհրան, տար զրոյց,
պատրաստեսցին սպաք ուխտիցն, բաժակ և սեղան և ամենայն ինչ ըն-
տրեցի զզալ:

Միհրան. Արդ խնդութեամբ երթամ առ Քսերքսէս:

Թեմխտոկչես. Լուր ինձ քաջդ, եթէ մեկնեցաւ Լիստիմք 'ի քաղաքէս:
Միհրան. Արդ իսկ հանդերձի 'ի չու:

Թեմխտոկչես. Հանդիսատես մեծի նահատակութեանս իմոյ կամէի և զնա. փութա՛մ Մի-
հրան, եթէ մարթ ինչ իցէ՛ մաղթեսլիր ինձ զչնորհս զայս յարքայէ:
Միհրան. Աիմ վերայ քաջդ, մի ինչ հոգայցես. արդ իշխէ՛ Քսերքսի Թեմխտոկչ:

ՏԵՍԻԼ ԵՐԿՐՈՐԴ

ԹԵՄԻՍՏՈՎԻԷՍ, ՆԵՌՈՎԻԷՍ, ԱԳՅՈՒԱՅՈՍ

Թեմխտոկչես. Որպէս ջահ առկայծեալ ուժգին ճաճանչէ՛ զվերջին նշոյլ՝ պայծառագոյն
այսօր փայլեսցուք: Քահապաանքդ, մուճէք ինձ այսօր զՆեղոկչես և զԱզե-
սիդայտս: Եւ բնաւ իսկ զինչ է մահ, եթէ բարի ինչ՝ փութացուք մեռա-
նել, եթէ չար՝ գէթ 'ի տաղնապող երկիւղէն զերմանել: Որ քան զմահ

արհամարհէ զփօռս՝ ոչ է կենաց արժանի: Ամենցուն որ զակն 'ի լոյս
բանայցեն՝ հասարակաց են կհանք, այլ փառք՝ զիւցազոտնց միայն: Որ վա-
տութեամբս և անշուք որպէս ծնուն մեռանի, և զամենայն ընդ իւր ամէ 'ի
շիրիմ, յիրաւի ահարկու է մահ: որ 'ի շունչ վախճանին առանց ամօթոյ
զկեանսն յիջէ՝ մեռցի խնդութեամբ:

Նեոկէս. } Սիրելի հայր:
Ազնսիրայոս. } Հայր իմ սիրելի:
Նեոկէս. Եթէ ճշմարտ իցէ՝ զի կեալ երախտագէտ առ Քսերքսէս ընտրեցեր:
Ազնսիրայոս. Եւ զթացար ճշմարտիս 'ի մեզ և յանձն քո:
Թեմիստոկէս. Լուս լիւրութ, անասցէք ինձ: Գիտէք ապաքէն որպէս բուռն և անշուծա-
նելի են հրամանք հօր:

Նեոկէս. Իբրև զուխտ սուրբ:
Ազնսիրայոս. Եւ օրէնք անհրամարելի:
Թեմիստոկէս. Լուարութ ապա զիմ հրաման: Մի որ զիտասցէ՝ զոր ինչ արդ ասացից
ձեզ, մի որ լուիցէ՝ մինչև խորհուրդն լցցի:

Նեոկէս. Լիցի այդպէս:
Ազնսիրայոս. Կիրոսւմ և ես:
Թեմիստոկէս. Արդ բազմեցարութ, մեծի արիութեանդ հանդէս է այսօր:

Նեոկէս. « Միտ իմ բարասէ » (Կստի):
Ազնսիրայոս. « Դողան ոսկերք իմ » (Կստի):
Թեմիստոկէս. Հայս վերջին նուագ խօսիմ ընդ ձեզ, որդեանք իմ. կեցի ցարդ փառօք, և
արդ վտանգ է ինձ 'ի կենաց, և բազմավիշտ երկոց կորիցեն արգասիք՝ ե-
թէ ոչ մեռայց:

Նեոկէս. Եւ որպէս:
Ազնսիրայոս. Չինչ խօսիս, հայր:
Թեմիստոկէս. Քսերքսէս՝ բարերար է, Լլլաղա՝ գաւառ հայրենի. սմա հաւատարմու-
թիւն, նմա երախտագիտութիւն օրէնք են, և ոչ 'ի միտքն հրաժարել
կարեմ. և թէ զվին եղծանեմ՝ քարերարին ապաշնորհ և կամ մատնիչ
հայրենեաց հարկ է ինձ լինել: Յերկաբանչիւր չարէն փրկեսցէ զիս մահ.
և է զեղ մահու մօտ առ իս...

Նեոկէս. Եւ ո՞չ, հայր, առ Քսերքսէս խոստացար երթալ:
Թեմիստոկէս. Յանդիման նորա զմեծ գործն կատարեցից:
Ազնսիրայոս. Այլ Միհրան՝ յերգումն ասէր երթալ քեզ:
Թեմիստոկէս. Խաբքցաւ Միհրան, գիտեմ ես, և բարի են ինձ խաբքն. լուիցէ ինձ յու-
սով Քսերքսէս, և գործոյս մեծի: Արեաց պետութիւնն կացցէ 'ի զնին, և
ականաստես աշխարհ ամենայն՝ վկայ լիցի՝ զի երախտագէտ լեալ առ ար-
քայն, և առ հայրենիս ոչ լինիմ մատնիչ:

Նեոկէս. Եղճկ ինձ: } (Լուծ)
Ազնսիրայոս. Վայ ինձ: }
Թեմիստոկէս. Մի, որդեանք իմ, մի անարի վատութիւնդ այդ. ծածկեցէք զոնեա յաչաց
իմոց զամօթապարտ զցաւսդ, մի ամաչեցուցանէք այսօր զհայր ձեր: Ար-
աստուեւլ պարտ էր՝ եթէ ոչ յանձն առնուի մեռանել:

Ազնսիրայոս. Սակայն եթէ գնաս դու 'ի մէնջ, և զինչ լինիցի մեզ, հայր:
Նեոկէս. Եւ որք մնայեմք, և զո՞րդուցուս մեզ 'ի հայր:
Թեմիստոկէս. Չսէր առաքինութեան, զտենչ փառաց, զխնամակալութիւն զից և զիմ
օրինակ:

Ազնսիրայոս. Ո՛հ հայր:
Նեոկէս. Եղճկ մեք:
Թեմիստոկէս. Լուարուք ինձ արդ: Յերկիր օտար և անծանօթ՝ 'ի մէջ թշնամեաց թռ-
ղում զձեզ կարօտ կարևորացն և թիրակիրթ 'ի փորձ յեղյեղուկ բար-
տին, և գիտեմ զի վիշաք բազումք մնան ձեզ, այլ որդիք իմ էք, յիշեցէք
զայս, և այն շատ է: Քաջութիւն արժանի զարմից ցուցէք, և փառաց և
հայրենեաց և 'ի գործ պաշտամանց՝ յոր զիք կոչեսցեն՝ խնամ ունիցիք: Ե-
ղեռն բախտին՝ աղարտել զփառս ոչ կարէ: Ազիք զիւցազանց՝ թէպէտ
զգահոյս և թէ զանմարդի մայրիս անտառաց՝ չբնազ առաքինութեանցն
գործնն ասպարէզ: Մի 'ի սպառնալիւց ոխերիմ բախտին վատարտիցէք:

ծանունք 'ի վշտաց' փութով վախճանին, փոքունցն յաղթել չէ ինչ դժուարին, փառք ձեզ առաջնորդ և մի վարձք լիցին, և քան զպատիժ՝ յանցանք ահազին: Իսկ եթէ Հարկ զձեզ բռնի մղեսցէ 'ի գործ զժպատեհ՝ ուսայք 'ի հօրեզ փախստեան զուղին: (Բառեկ):

Նեոկես. Եւ զհարգ թողուցուս զմեզ, Հայր: (Բառեկ):

Ազնախայոս. Ո՛հ, սիրելի Հայր, ոչ ևս տեսանիցեմ գրեզ: (Բառեկ):
Թեմիատոկես. Իաւ է արդ, որդեակիք իմ, Հրատարական ողջոյն վերջին: Դժուարին և բազմավտանգ է ժամս՝ գուցէ մեղիեցիք արութիւնս մեր: Եմ և ես Հայր որդեգորով, և սիրա իմ... Ողջամբ կացջիք որդեակիք իմ: (Ողջագործ): Լուսցէք յարտաստացո, մի յամօթ առնէք զՀայր ձեր: առաւելագունի արութեան ակն ունէի 'ի ձէնջ, միթէ 'ի զուր ինչ յուսացայ: Նէոկէս... Ազնախայոս... քաջ լինուք, ոչ երթամ 'ի մեռանել: Քեմիատոկէ 'ի մահ ոչ երթայ: Հակառակ բախտին և աստեղաց՝ գնամ կանգնել յաղթանակ, զորհաս վախճանին գահեսօք պսակել և զբազմավիշտ քրտանց իմոց ժողովել զարգափախ: (Ելանէ):

Տ Ե Ս Ի Լ Ե Ր Ր Ո Ր Դ

Ն Ե Ո Վ Է Ս, Ա Կ Ե Ս Ի Ա Ս Ո Ս

Ազնախայոս. Նէոկէս:

Նեոկես. Ազնախայոս:

Ազնախայոս. Ո՛ր արգօք իցեմք:

Նեոկես. Ո՛ր շանթ եհար զմեզ:

Ազնախայոս. Եղո՛ւկ մեք, արդ զի՞ գործիցեմք:

Նեոկես. Դիւցազին հօր մերում իրցուք որդիք արժանի: Հապա, եղբայր իմ, երթիք պնդակազմ սրտի՛ւ կալ 'ի զինն մեծի յաղթանակին, և արութեամբս մերով մեղմիլ նմա զմահ:

Ազնախայոս. Հապա երթիցուք, զհետ քո ընթացայց... այլ, բարե, ոչ զօրեմ, ծունէք իմ կթոտին: (Նստի):

Նեոկես. Մի այգպէս, եղբայր իմ, մի այգպէս 'ի վատութիւն Հատանիցիս:

Ազնախայոս. Այլ քո, եղբայր, զհարգ ժուժկալէ սիրտ յայն ողորմ տեսիլ:

Նեոկես. Եթէ սասանեսցի՞ օրինակու հօրս պնդեցայց:

Ահնդ նըշյլ որ ճանակէ	Զայն Հայրենի եթէ կարգայ
Հօրն 'ի մահուն կապոյտ երես,	Շահատակել ինձ յսպարէս,
Խրախոյս 'ի սիրտ իմ վառեսցէ	Զհարգ իշխեմ Հեստել նըմա...
Յառաքինին մարգեալ Հանդէս:	Ալանամ ահա մահուն 'ի տես:

Տ Ե Ս Ի Լ Զ Ո Ր Ր Ո Ր Դ

Ա Կ Ե Ս Ի Ա Ս Ո Ս

Ազնախայոս. Եւ ընդէր արիազոյն քան զիս եղբայրն իմ իցէ. ոչ նոյն արիւն յերակունս մեր խաղայ, ոչ և Ազնախայոս Թեմիատոկէայ որդի է. փութացուք (յառեկ) ապա զվերջին սպաս հայրասէր գորովոյ Հարիանել նմա. 'ի վերայ բազկացս այսոցիկ անշնասցի Հայրն, և որք 'ի նմանէ: զվերջին Համբոյր ցաղաւար ձեռուաց մատուցուք, և մատունք մեր փակեսցեն զարտևանունս նորա՝ իրրև քուն յաւերժական իջեալ մաճանի զնորք... Ողորմ տեսիլ, քստմնին ոսկերք իմ, բուռն առնեմ և ոչ զօրեմ ընթանալ: որդէ ամօթ, ընկրկեն արհաւիրք. մտրակ և սանձ տագնապեն զիս. արտասուեմ, դանդաղեմ, և Հայրն իմ մեկնի յինէն տարագնաց:

Ոտխք կրկին յիս հակառակ,	Եթէ Հաճոյ է ձեզ, ով դիք,
Փառք և երկիւղ կրուին ահա,	Առէք զողիս իմ 'ի մարմնոյ,
Զհարգ զօրեմ ես միայնակ	Շատ է, եղէ ցարդ խաղայիկ
Յաղթանակել ընդդէմ նոցա:	Անկարեկիր ցասման ձերոյ:

Տ Ե Ս Ի Լ Հ Ի Ն Գ Ե Ր Ո Ր Գ

ի վերանայ միշին ձակաստոն՝ երևի սերսն ուխտիցն պատարաստեայ,
և 'ի վերայ սպար:

ՔՍԵՐՔՍԵՍ, ՄԻՀԲԱՆ, ԼԻՌՈՒԾԱՔՈՍ

Քանրքսես. Եկեսցէ Քեմիստողիէս. և կեսցէ սպարապետն քաջ. (Միհրան գեայ): Մեծ է ինձ՝ զի միւսանգամ ստանամ զնա. ցատուցեալ էի, այլ և զարմացեալ ընդ անմեղկելի արիութիւն նորա:

• Լիսիմարոս. Ահա գամ, Քանրքսէս. զի կուչեցեր զիս:

Քանրքսես. Աստ 'ի հանդիսիս կամէի զքեզ:

Լիսիմարոս. Առ 'ի լսել զնախատինս Ելլադայ, կամ թէ միւսանգամ կամիցիս խաղ առնել զինն:

Քանրքսես. Այց, այժմ տեսցես:

Տ Ե Ս Ի Լ Վ Ե Ր Զ Ի Ն

ՔՍԵՐՔՍԵՍ, ԹԵՄԻՍՏՈՒԿԷՍ, ՄԻՀԲԱՆ, ԼԻՌՈՒԾԱՔՈՍ, ՆԵՌԿԷՍ, ԱԳԵՍԻԱՅՈՍ

Միհրան. Ահաւասիկ Քեմիստողիէս, տէր արքայ:
Քանրքսես. Ընտրեցե՛ր ապա, Քեմիստողի, յանձն առնուլ զկամս մեր: Ե՛կ արգառա իս, մատիբ 'ի դիրկս արքայի՛ որ մեծարէն գքեզ:

Թեմիստոկիէս. Անսա վայր մի. (Զեռամբ արարեալ):

Քանրքսես. Իսկ առ ինչ:

Թեմիստոկիէս. Չև ևս եղէ արժանի այնմ. Թոյլ արա ինձ զգործն մեծ բովանդակել՝ յոր գամ, և ապա արկցուք միմեանց զիրկս:

Քանրքսես. Ահաւասիկ բաժակ ուխտին 'ի վերայ սրբոյ սեղանոյն, ամենայն ինչ կազմէ, մատիբ և տուր երդումն զոր խոստացար, լու 'ի լու ամենայն հրապարակիս, և վրիժուցն Ելլադայ լիցի սկիզբն:

Թեմիստոկիէս. Սթափեաց, տէր արքայ, սթափեաց 'ի պատրանաց. առ քեզ խոստացաւ զալ Քեմիստողի, և ոչ յերդումն:

Քանրքսես. Ո՛րպէս, մ՛չ դու ինքն...

Թեմիստոկիէս. Լուր ինձ, արքայ. լուիցէ և Լիսիմարոս. լուարուք և դուք ծողովուրդք ամենայն. զձեզ այսօր ունիմ՝ վկայ բանից իմոց: Բաղդոն ոխերիմ՝ մատնիչ կամ ազաշնորէ՛ ճգնի առնել զիս, և հարկ է զմին յերկուց մեղանաց սուռուլ ինձ յանձն՝ եթէ ապրեցայց. այլ տուժիւք կենաց զոր պարզև ձրի հտուն ինձ երկինք՝ եղէց անարատ... ընտրեցի ապա մեռանել:

Լիսիմարոս. Եւ որպէս:

Քանրքսես. Ո՛վ զիք:

Թեմիստոկիէս. (Կայիկա մատամբ գրոյնև). Այո՛ զորցաւ լիցն նժոյհէութեան առաւելն վեր. ջին ընդ իս անէի՛ զեզ պատարաստ մահուն, սա զգործն մեծ կատարեսցէ, և բաժակս սուրբ՝ լիցի մատուակ. (արկանև գրոյնև 'ի բաժակն), 'ի նուէր յժմար զոհիս հաւատարմութեան, երախտագիտութեան և փառաց՝ զիք ամենեքին կացէք առնէթեր:

Ագեսիլայոս. Ո՛հ մեռանիմ աւասիկ:

Նեոկիէս. Բարէ հիացումն:

Թեմիստոկիէս. Հայրենասէր հաւատարմութեանս, սրերեցեալը Լիսիմարէ, գքեզ առ իմն թողում քարոզ և վկայ. յաճին ոսկերաց իմոց թիրևս զթացեալ ակնարկիսցն՝ քաղցրութեամբ, և հայրենի գերեզմանացն՝ առ որովք 'ի խանձարուրս զկինացն սիւք ընչեցի՛ եթէ 'ի մահուս լիցիմ՝ արժանի՛ անիրաւութեանց բաղդին ներեալ լիցի: Եւ մի՛ դու, արքայ, ընդ երախտիս պարզեակաց քոց զղլուացիս. 'ի դարս դարուց զարմասցին ընդ այն տիեզերք համայն. բաղդն զժպչի՛ շեռ ինձ կենդանեալ փոխարինել այնց. և

արդ, զոր 'ի շունչ վախճանիս հատուցանել կարեմ, ընկալ զերախտագէտ չրթանց խոստովանութիւն, Բարերար զիք, թէ ձեզ ուխտք վերջինք հոգւոց անպարտից իցեն լսելի, ընդ ամրածածուկ աջովդ ձերով ամուր պահեսցին ընտրեալդ ձեր Աթէնք. հովանաւորք 'ի վերայ արքային Արեաց, պահեսցէք զնա և զախտարճ նորա յաւերժ անսասան. խաղաղութիւն և սէր առ իմ հայրենիս աղչեցէք 'ի նա. ընդ կենաց իմոց' և ցասման նորա եղիցի վախճան: Ողջամբ կացէք, որդիակք իմ. ողջամբ մնա բարեկամ քաջ, ողջոյն ընդ քեզ, տէր իմ արքայ. ողջամբ կացէք ժողովուրդք ամենայն. (Ասեալ զբաժակն մատուցանէ 'ի բերան):

Քսերքսես. (Արցղիս զնա) Դարձո՞ գձեռն քո, զի՞ գործես, եթէ կորիցես գեղակուր, Թեմիստոկիես. **Իսկ ընդէր:**

Քսերքսես. Ոչ ներէ քեզ զայդ Քսերքսէս. (Ասեալ զբաժակն 'ի ձեռակն Թեմիստոկիեսայ):

Թեմիստոկիես. Եթէ զմահ իմ արգելուցուս. այլ յարքայից և անդր է իշխանութիւնդ այդ:

Քսերքսես. Ո՛հ, մի, (զգեռնէ զբաժակն). կեցցես, դիւցաղն ոգի, պարծանք Սլլազոյ, և փառք անկապուտ աւուրցս մերոց: Սիրեա արգ, ես տամ հրաման, զարժանիս սիրոյ քո հայրենիս, և ես իսկ զնա սիրել սկսայց: Եւ ո՞ ատեսցէ զքեզ, երկիր բարեփառ, այսպիսեաց ծնող զիւցազանց:

Ազնիւայտոս. } **Բաբէ, բաբէ:**
Դեակիես. }

Թեմիստոկիես. Երազք իցեն, ո՞վ զիք, եթէ զուարթութեան բանք. ո՞վ դէպք անսկիւկալ:

Քսերքսես. Լուր ինձ արգ, ֆեմիստոկի, և զարմացիր յիս ընդ նախանձ բարուոյ: Ահա 'ի բազնիս' ուր առեղութիւն անմահ 'ի քէն պահանջէի, ուխտ յաւերժական ուխտեմ ես այսօր խաղաղութեան Սլլազայ. (Երբեայ զնէ գձեռն 'ի բազին): Հանդիցէ այսուհետև Յունաստան 'ի պարսկայնոց դիմուց անկասկած, և զանդորր բարութեան կենաց՝ յայնքանուոյ քաղաքացւոյդ դաւանեսցի շնորհ:

Թեմիստոկիես. Չքնանդ յաղթութիւն. և է՛ մահկանացուի յայգչափ մեծութիւն 'ի վեր ամբառնալ: Երկանիկ Սլլազա, բարեբա՛ղք աքսոր:

Ազնիւայտոս. Բաբէ խնդութեան աւուրս:
Դեակիես. Ո՞վ բերկրութիւն անպատում:

Լիսիմաքոս. Չպայձառ միցութիւնդ ձեր, ողիք վեհազունք, թոյլ տուք ինձ ձեպել համբաւել Սլլազա: Որով խնդութեամբ և երախտագէտ մտօք՝ զայլքան շնորհիս զպարգևատուն և զպատճառ մեծարեսցեն արգթօք:

Քսերքսես. Հանգիր և զու, Թեմիստոկի, և վայելեա 'ի սէր արքայի: Իսկ ես այսուհետև, սպարապետ իմ և մտերիմ, և զորդի քո զԱզնիւայտոս ինձ փեսայացուցի՛ վերառեալ զնա յազգ իմ արքունի:

Թեմիստոկիես. Եւ Թեմիստոկի այսքանեաց բարեաց զինչ քեզ հատուցէ: Դուք, մարդասէր աստուածք, դուք ընդ իմ հատուցէք զարժանն, և ինձ տուք սիրտ երախտագէտ մինչ 'ի շունչ վերջին:

Քսերքսես. Կեսանս քեզ խնդրեա 'ի դից, քաջդ, և լիցիս ինձ երախտագէտ: Առաքինութեան եռանդն՝ օրինակաւ քով ինձ ամենալ, առաւել քան զընկալեալդ տացես միւտ:

Որպէս ջահ 'ի ջահ 'ի մի կըցորդեալ յաւելուն ճաճանչ,
Եւ նախանձորդաւ առաքինութիւն զործի բարդաւան:

Պ Ա Ր Ն Ե Ր Գ Է

Պատարինոյն ծոց
Փառացրն պերք բոց,
Եւ ազգին գորով եթէ վառի,
Ոչ ևս 'ի տիպար
Մարդոյ տրկար
Պանէ 'ի դաշտ մարտիկն արի:

Բոցախալ չոզեալ
Սուսերացրն փայլ
Պրսակ ոսկեկապ վառի նըմա.
Մարտին ապարէզ
Չըւարճ պարտէզ.
Եւ բուսոր արեան ծաղիկ ցոլայ:

Ոչ ամպք բարիանայթ
 Կայծականց 'ի ցայտ,
 Ոչ երկիր ժայթքեալ հուր ընդ նովաւ,
 Սասանի երբեք
 Սիրտն ահաբեկ,
 Ի փառացըն մահ լեալ դիմազարաւ :

Ո՛վ բաղդ նախանձողդ,
 Ո՛վ կոյր և յողողդ,
 Ընդ առաքինւոյն դու զուր մըրցիս .
 Անվէր և անխոց՝
 Ըզաստից քոց՝
 Իբրև ժայռ ընդ ծով վանէ զալիս :

Ոչ բաղդ միայն քեզ,
 Ո՛ր թեմիտակէս,
 Այլ և հայրենիդ աշխարհ բընիկ,
 Բազկաւ քով փըրկեալ,
 Քեզ դարանեալ՝
 Ըտիբրեկողդ արար տարաշխարհիկ :

Դու մի վըհատիր,
 Հայեսց դու, զարնիր,
 Ահա կողկողին առ ոտիք քով՝
 Բաղդ քո և աշխարհ,
 Կոր և խոնարհ .
 Անխակալիդ ածեալ գորով :

ՅԵՐԻԿՐԵԱՒ Ի Հ. ԳԷՈՐԳ Վ. ՀԻՒՐՄԻԻԶ
 ԱՐՏԵԳԻՍԿ. ՍԻՒՆԵՍ

ՊԵՏՐՈՍ ՄԵՏԱՍԱԶԻՈՅ

Օ Ր Հ Ա Ս Ա Կ Ա Ն Ո Մ Ն

Մի ոտս արդէն 'ի տապան, ես 'ի վայրէջ յայն պատրաստ,
 Զ 'ի հող անդէն 'ւ 'ի միխիբ լուծանիցիմ գատապարտ .
 Իշխիցեմ ես, սվ Աստուած, 'ի գուլթ ածեւ զքո զայրոյթ՝
 Եւ դիմել ծոցըդ յանքոյթ ՚ .
 Իմ չիք քեզ այլ 'ի նըւէր՝ 'ի մեղանաց քառութիւն,
 Բաց 'ի զոհէս ազազուն և յորացեալ մահագոյն .
 Վա՛յ բարութեան քում անհուն, շընորհք քեզ, Տէր, մեծապէս,
 Թէ զայն առ քեզ ժողովես .
 Եհէ տըրոց մեծագին, զի հոյակապ պատարագ,
 Ո՛ր այս նըւէրքըս իցեն, քանի մեծ են իմ փախագ .
 Եւ զիարդ ժամն է պատկան, — մինչ ամենայն է եղծեալ
 Յաչա աշխարհի անարգեալ :
 Սակայն այնպէս, իմ փըրկիչ, 'ի յայս վիճակ չարալից,
 Միայն այս է զոր կարեմ, զի այս ևեթ մընայ ինձ .
 Հազար եղունկ է ընդ այն՝ զի՛ նդ միտ ամի անագան
 Ըզտըրտմալիբ զայս վախճան :
 Յողորմ պայման անկեալ կամ, զորութիւն զիս լըքանէ,
 Թալուկ զինև, ընկճիմ ես, սիրտս 'ի ծոցիս բարախէ,
 Վախճան իմ դայ մերձենայ . 'ի մահուանէ պակուցեալ՝
 Խիթամ ըզշունչ առնուլ տալ :
 Ահաւասիկ եհաս ժամն . տանջի հողիս 'ի վարանս,
 Հաս 'ի թիկունս, իմ փըրկիչ, և շընորհեա գու ինձ զայս,
 Զի զհառաչանս իմ յետին և ըզտագնապ ցաւագին
 Առ ոտս հեղից քոյ խաչին :

ՓԱԹԻՒԲՈ